

Chuailo

Forthnightly Newsletter



Vol. No. X Issue No. 7

KOLKATA MIZO STUDENTS

15th Sept, 2013 (Sunday)

KOLKATA MIZO STUDENTS' SPORTS 2013 NEIH A NI DAWN

Dt.30.09.13-02.10.13 hian KMS Sports neih tur a ni a, Basketball bik chu 27-09-13 ah khelh tan a ni ang. Tun tum Sports atan hian Football team 11 leh Basketball team 5 an in register a ni.

Basketball hi remchan zawkna avangin dt.27.09.13 hian WBBA Court, new market-ah khelh tan tur a ni a, 28.09.13 12:00 noon ah final khelh tura ruahman a ni.

Football leh thildang hi tun thla, Sept. ni 30 atanga khelh tan tur niin, Oct. Ni 2 ah zawhfel hman tura ruahman a ni baw. Football leh deathball vel khelhna hmun atan hian GD Ground, Salt Lake ami chu biak fel a ni tawh baw.

Football leh Basketball khel turte tan thil pawimawh inhrilhhriatna hun hi hun remchang hmasa berah neih tum a ni a, hetah hian team aiawh pakhat tal intirh tur a ni ang.

CMCS

Fellowship Programme
Hruaitu : Samuel Lalremruata Executive
Tantu : Ni. Lalrinsangi (Ruthii Group)
Bible Chang Sawirual Hruaitu:
Tv. H. Lallawmzuala
Programme: Thusawi
Sawitu: Tv. R. Lalramfela

PRESIDENT ZIN

Kan President Alex Rosangluaia chu mimal thil leh KMS thil pawimawh ti turin Aizawlah a thang mek. Aizawl a thlen chhoh hnu hian KMS Sport leh Annual magazine ami tur sponsorship leh advertisement vel ngaihtuahin a buai thei hle niin thu kan dawng.

Tun lai hian kan hruaitute KMS hmalakna tur hrang hrang ngaihtuahin an buai thei hle a ni.

KMS sport-ah hian Kolkata chhunga Mizote chu a tel theih vek a, hnamdang erawhchu tel a remchang dawn lo a ni.

Football bikah hian professional footballer tan pawh khelh theih a ni dawn a, amaherawhchu an khelhpui tur te team-ah professional an awm ve loh chuan khelh theih a ni lo ang.

Sport neih chungin buaina leh harsatna siam lo turin kan inngen a, buaina siam lui kan awm a nih chuan KMS in na takin action a la ang.

Hemi sport atan hian dan hrang hrang siam a ni a, facebook:Kolkata Mizo Students group-ah en theih a ni.

CHUAILO ANNUAL MAGAZINE

Chuailo annual magazine 2013-2014 chu siam leh tura rel fel a ni ta a, hemi atan hian college/institution hrang hrang thlalak kan mamawh leh dawn a, kuminah hian a huhua thlalakna hun kha hmang loin mahni institution-ah theuh thla lak a, October ni 15 hmain kmschuailo@gmail.com ah emaw, KMS president hnenah emaw thehluh tur a ni. Heihi CMWA leh CMCS lama kan hruaitute pawhin min ngaih pawimawh sak turin kan inngen a ni.

Annual magazine ami tur article(English leh Mizo) a tam thei ang ber kan mamawh dawn a; member, helama tui leh ziak ve hrim hrim duhte chu ziah theuh tum turin kan inngen a ni. Article leh poem ziahtute tan pawh a chung a email kan tarlanah khian thehluh tur a ni ang.

Tualchung...

BEIHRUAL

Tunah hian Mizoram lam ang bawkin kan kuaah pawh Beihruah kan hmang ve mek a, Inrinni tlai ah Mizoram House Salt Lake leh Ballygunge-ah neih thin a ni a, Chawhlui kilho nghal thin a ni baw.

Kumina Beihruah inkhawm hmasa ber (07-09-13) report tlangpui chu hetiang hi a ni;-

Ballygunge:

Inkhawm zat-70

Sharing zat-11

Chawhmeh neih zat--12

Salt lake:

Inkhawm zat-85


Sharing zat-08

Chawhmeh neih zat--16

Thlarau lam chauh nilovin tisa

lamah pawh kan tlai thin hle a ni.

Chungkua leh mimal a thei thei in mahni chawhmeh siam te kenkhawm



Zawngtah Mu

thin a ni a, Mizo chawhmeh tui tak tak, helaia kan hmuh zen zen lohte pawh hnianghnar taka ei tur a awm thin a ni.

Hmundang aia Kolkata danglamna chu thalai lamin beihruah kan ngai pawimawh em em leh kan phurtlan em em na hi a ni, kan ti thei ang.

**I CHUNGA TIHATANAI DUH
LOH TURANG CHUAN
MI CHUNGA H PAWH TILSUH**

CHUAILO

Estd. May, 2004

Editor : ahooma
 Joint Editors : VT.Lawmsanga
 : Lalruatkima
 : Vanlalpeki Ralte
 Patron : Alex Rosangluaia



Enkawltu Kamliam

VAITAWNG

'KETNA' kan han ti pawr ve huar a, a man zat hindi in an rawn sawi a, kan hawi ka leh hau thin, Bengali a an sawi phei chun chuti hlah! 'Kuri matlab pachas, twenty... english me bolo' kan ti bah nuaih zel zawng a nih hi.

An sawi thin, 'India rama kan awm chung hi chuan Hindi hi engemaw chen chu thiam ve a ngai a ni,' an tih hi a dik hle a ni. Mizoram chungah chuan a la tih mai mai theih a, keini helai vai kara awmte tan phei chuan tihmakmawh a ni. Vai tawng kawi hnih khat tal kan thiam loh chuan kulkhut khaw zau puiah hian chep zetin kan awm mai dawn a ni.

A ram leilung fate nen thu inchuh leh inhmuhthiam lohna engemaw pawh nei ila vai tawng kan thiam na na na chuan min namnul ngawt thei bik lo a, mahni insawifel a awl bikin buaina tam tak kan pumpelph pah thei a ni.

A tam zawk hi chuan vai tawng kan thiam loh vang hian buai lohna turah buaina kan tawk fo niin a lang. Taxi driver leh kawngkam vai tangrang satliah mai mai pawhin min han bia a, kan hrethiam si lo, ring leh pawr zetin 'KYA' kan han ti vin nghal hlur a, pangngai deuha thil sawi leh indawr tawn a harsa a, an tawng kan hriatthiam miao loh chuan kan paw an sawi ni tlata hriatte a awlin tul loah thinrim leh intihbuai mai pawh a awl thin a ni.

An tawng kan thiam miao loh chuan kan hmuhsit ve ngawt vai tamtak hian kan hmuhsit aia nasa hian min hmuhsit let a ni. Kan hmel a lo dang bawk nen tha taka inkawm a, indawr a harsa thin.

Thenkhat chuan 'english ka thiam chuan a taw' kan ti maithei; mahse nitin khawsakna, in thenawm khawven tawna ah hian english hian kori a tu tam lem lo- hindi bawh hi a pawimawh leh thin. Kolkata-a kan awm chuan Bengali te hi thiam ila duhthusam chu a ni, mahse kan thiam lo a, thiamlo tur hi a tam zawk kan ni ang. Chuvangin a pawimawh ber zawk, a har lo deuh zawk leh hmun dangah pawh kan hman tlanglawn theih tur Hindi tal hi chu a bo lo tawk tal chuan thiam i tum teh ang u. Ziirlai lehkhathiam, a aia har pawh zira thiam thei vek kan nih hi.

Article chhunzawmna...

Sâpho pawh an riak ngailo. Changkânglo lutuk! Thing tha thang thang lutuk! "Khawhar in riah – you know; I ain't gonna do" a ni tawp mai.

Hmuhnawm ti tak tak hauh si lo hian cricket te hi hmuhnawm tih hmel zetin a en reng peih nia. Kar tuan maia Test Cricket en nih te hi phaia awmte awmdan tur diktak niah a ngai. Inleng awmlai phei chuan a en reng mai a ni. A hrethiamlo a ni tih hretu kan awm reng chung pawhin Hindi talk show a en a, an ngaihndan a tawmpui ve niawm takin a lû a bu der nghut nghut peih reng.

Lehkha zir tura phai awm a ni tih chu kan hriat dan a ni a, kum khat chung leka a zuk awmna phairam khaw lian em em mai lehngal a zuk hre bel lutuk erawh hi chu tangkai hun awm baw mahse, a ngaihthathlak loh. A hmun hriatchian leh bel em em hovah hian lehkhabu dawr a vâng em em mai nia.

Lehkhabu hrim hrim chu a nei ngah ve angreng. Tumkhat a rawn haw pawhin lehkhabu KG 40 chuang zet a rawn hawn a, Crime & Detective magazine hlir.

Phaiah chuan eng ber nge a zuk zira a zuk tih kan hre lo a, a chungte paw'n an hre chiang vak lo. A châng leh MBA zir angin a insawi a, "Call Centre-ah ka thawk" a ti thûl. Sumdâwng veivâk te hi nileng lengin a zui kual hman a, tlêma mâwl hmel deuh nia a hriatte bulah chuan 'Prakash Shotput Company' ah nihna pawimawh tak chelh mêk ang tein a insawi tih hriat a ni. A hawih er chuan kungfu pawh tlem azawng chu a zir ve tawh thin a nih kan ring. A nau, tlêma tlem deuh pakhat chuan 'Bahadur Technical Academy of Commerce for Arts' ah 'Applied Psychiatry Department' ah a awm niin a sawi a, amah hi student nilovin practical tih nan an hmang thin zawk a nih kan ring.

'Ka thianpa' a tih ve ziah lah kha. Mipa zingah rau rau pawh pâ hrêk hrâwk a ni ngailo tih chu kan hria. 'Marawhchu, hetia a hminga phaia a han awm sil tâk hnu hian a bu ang thlapin a rawn pherh haw a, a la intitheih zawmah nia. A bari then buai nuaih khawpa sailhnum hual taka hual duh awm se tih châng ka nei. Tum rêng vanga pherh chu an ngeiawm bik zâw zâw riau. 'It's my life' tih nachâng te chu a hre vei nek a. 'Define life in the context of Darwin's philosophy' han ti ila, sawi tur hre mang si lovin a thlan a tla leh bat bat lawi si.

Shakespeare-a khan a thu leh hla ho kha a phuahchawp mai mai a lo ni âwm e. Kan inang hle mai. Kei pawh ka thu ziah hi ka phuahchawp mai mai a nih hi. Shakespeare-a nena kan inanlohna erawh pakhat a awm. keia phuahchawp thuziah ve hi chuan eng zir laibu mah a thlen hmêl loh. (Nikum Annual Magazine ami lakchuah a ni-ED)

article

KAN NAUVA PHAI AWM**-Stephen Auhmun**

Kan nauva chu phaia awm tih takah a changkâng hle mai.

Mizorama mobile phone a chhuah hma deuh hlek khan phaia a awm laiin mobile phone a nei hman a, Mizorama a rawn haw châng te khan puipunna ilo fahranah a lekchhuak fo fahran a, mobile service a la awm ve tawp si lova.

Mizoram House-ah a tei lût âwl lo nia. “Kei chu hei, phaiah ka awm mek e. Nang hi chuan thlawhtheihna i hmuh vawikhatna a ni ang maw?” tih melhin mikhual zawng zawng a’ n melh ngawt ah. Rêla chuang nia a hriatte phei chu a melh pawh a melh peih lo law law. Inngaitlawm chapo âr chungin ‘Rêla la hmuh hauhh loh thu’ te a hrilh vel.

House bathlar vela mikhual, mâwl hmel deuh nia a hriatte bulah a titi zuah zuah a. Inti hre fahranin ring zet zetin Cinema Hall leh shopping mall chi hrang hrang hming a sawi zut zut nia. An zâwt tawp silo a. Khaini a la hmuam sak zui. Jalpaiguri thlang lama khaini lei tur vânzia te chu a hrechiang ber a nih tehrêng nen.

Neih nei silo, nghei nei thei baw k silo tih takah damlohna thil avanga phai pan, thingtlang pa, harsa ve tak takte lehzel pawh zû zuk han in khilai tir fo fahran a. A knowledge a zau nek - Dry Day-ah pawh lakna tur a hria. Khilai lotu tur tih a hriatchian, an vêng mi awm ve te kha chu rilru leh tihtakzetin a hrelo der tluan thak peih. An changkânglo e mai, phaiah pawh awm ve hlei lo.

House-a thleng rau rauah ‘Dorm’-a thlengte chu a aia mâwl leh retheiah a ngai ve hrim hrim. Tuma’ n chutiang ngaihdan nei tur chuan an tur sek pawh a ni hranpa law. Chu’ng mite lakah chuan ‘Phaia awmte awmdan tur’ nia a hriat zawng zawng lantir ngei tumin thahnem a ngai thei hle. Tawng a sehchilh deuh niai tur a ni a, ke pên dante, cigarette tan dan thlengin ‘phaia awmte tihdan bik’ a awm. Dorm-a thlengte hair gel inchhawpte chu a’ n ner khum vel khanglang lehngal ah. VIP room-a thlengte zingah laina leh hmelhriat pakhatmah a nei pawh a ni zeng law.

College lâr lo ve angreng taka a kalnaa a hnamdang thian tuemaw phone-in a be velah-Saptawngin. Biak tulna pakhatmah a neih hriat a ni lo. Kum 3 lai Kolkata a awm hnuah Bengali tawng erawh a thiam hlei lo a, “Khawi maw MC Rum ûm chanve” tih chiah zuk sawi thiam a. Hindi phei chu KAHA!

A awmzia hre hawt si lo khan Che Guevara lem chuanna T-Shirt lah chu a ha chhuak ve sek thin. “He nau hi chu a hmêl en ai hian a ril a ni” kan ti ni tlatin a inhria a ni chêk ang. Kurta-Pyjama set hnih a nei baw k.

Damlo thisen pêk ngai an awm tlat mai. Welfare hruaitute kârah buai hmêl zetin a lo tei fua fua a, chik taka amah lo thlithlaitute chuan enge a lo tih ve chiah an

hre lo. Pawimawh hmel zet zetin ring deuh deuhvin phone-ah a tawng vel a, amah hrechiang lêm lo, phone-a a tawng chauh hre tan chuan thil engkim kha a huaihawt leh buaipui vek nia ngaih theih a ni. Mitthi an awm pawhin chuti baw k. Chhawrnahawm hauh silo, tangkai hmel zeta a awm thiam si dante hi research tihna tham a tling.

Eizawn nan’a hman tlak hauh siloh talent eng engemaw a nei ve vei diah lehngal. Hollow Guitar-in ‘Soldier of Fortune’ a perh thiam a, zirlai pawl intihhlim nikhua paw’ n zahpuiawm lutuk lovin a zai ve thei mai zel. Magic pawh minute 5 daih vel a show thiam. Programme zawha bungraw senghawi hunah erawh chhuanlam tha zet vangin a tel hman lo chiah chiah zel. ‘Chhuanlam bu’ tha deuh a neih ngei rin a ni.

Mizo welfare chanchinbu enkawl turin a insawilut thei tlat. Thla khat chhung chu kartin ngaihdan zet zetin a tichhuak a, a thla leh atang erawh chuan a chhuanlam bu a keu leh dun dun. Thawhthut thahnemngaihna lam hi a that vena tak a ni awm e.

A khabe veilama khuavang chhinchhiah a neihte hi a phai awm nena kaikawp kual velin zuk han chapopui vel peih a!

Facebook-a Mizote tel tamna group zawng zawngah a tel ve vek a, mi thil sawi leh ziah zawng zawngah ngaihdan a thawh peih ziah lehngal. Phaia awm zawng zawngte aiawha ngaihdan puangchhuaktu nia inhriatna lian tak a nei. Engkima engkimah ‘Phaia Mizo awmte perspective’ a lo thlawh chhuak ve hman ziah. Zu khap chungchang te, Assam – Mizoram ramri chungchangte, YMA inrelbawlna chungchangahte ‘phaia Mizo awmte ngaihdan’ a rawn phuhchhuak ve ziah hi chu a la hriatthiam theih mai. Kal pawh a la kal hauh lohna, chhengkhat laina takngial pawh an neihlohna thingtlang khaw pakhata VC ten in hmun pass an pek dan chungchangah te lehzele a’ n inti fing kim vek mai hi chu LIKE a har ve angreng. Tu ruat mah ni si lo hian kawng tinrengah thurâwn petu ni tlat hian a inhria a ni ang. Ram hi a han vei laileng khawpah. Ram hmasawn nan’a tihur tul pawh a hre hnem narawh. Angaihdan nilo, ngaihdan dang hi khawvelah a awm theilo hrim hrim.

A chawlh hmang rawn haw ve te lah hi! Full-time in a inla changkâng peih. A titi karlakah saptawng a zep sek hi chu mênah a thlâk theih mai a, mitthi lumennaa ring zet zet a “KFC lo chu ka ei peih lo. Ka pum hian sub-standard food a digest thei hlawl lo” a ti khanglang thin hi chu aw! Âr sawhchiar a hrelo der zankhua thak peih a, a awmlo a ni tih hrereng chungin Aizawl khawpuih ‘PVR Cinemas’ te, ‘Pantaloons’ te zuk han zawng buai peih a. ‘Nungchang tha han zirtir deuh chawrh chawrh’ hi ka duh rum rum thin.

Khawhar in riah te chu khawiah khawiah! Phaiah khawhar in an riak ngailo. **(Phek 2-na ah chhunzawm a ni.)**

Sports.....

KMS SPORTS SAWI HOT NA

Kan hriat theuh angin kan hma maih hian KMS Sports chu kan nei leh dawn a ni a, hemi atan hian football team 11 leh basketball team 5 an in register a, team tinte hi champion tumin an inpuahchah nasa tawh hlawm hle a, team hrang hrang dinhmun hi i lo thlir thuak thuak teh ang:-

FOOTBALL

1) **SCOTTISH CHURCH COLLEGE:** Anni hi nikum KMS sports football champion team an ni a, an players pawimawh engemawzatin chhuahsan tawh mahse player naupang tha tak tak an neih belh nual bakah nikuma best player Samuel-a'n a la ho thei dawn a, kuminah pawh hian team beiseiawm ber pawl an la ni reng.

2) **BALLYGUNGE:** Nikum final-ah Scottish hneh loin an vanduai a, kuminah chuan vanduai nawn an tum lo hle. Anni hian North East Sports a best player Te-a an neih bakah player senior ho an la awmkim vek a, teamwork tha ber pawl leh champion tura rinkai an ni.

3) **S.A BOYS:** Kolkata Mizo ziirlaite zinga football team hlun ber pawl niin, tournament apiangin semi final an lut thei reng a ni. NE Sports a KMS Football team Captain Sawmtea kaihhruaina hnuaiah kuminah pawh hian champion thei dinhmuna ding leh Team hlauhawm tak an ni.

4) **SALT LAKE AREA:** Nikumah Keshtoprur hminga chhuakin semi final an lut a, kuminah chuan Salt lake pumpui huapin an rawn chhuak tawh dawn a, hetih lai hian an player thate an chhuak nual a, tun tumah hian e'nge an an dawn sawi lawk a har a, dahhniam ngawt chi erawh an ni hauh lo ang.

Nikum Semi finalist ho bakah hian team tha tak tak dang an la ther fur a, **St.XAVIER'S** leh **Hi-FLIGHT** hi players nei tha ber pawl leh champion tuma khel an ni dawn a, team dang tan pawh tum chakawm loh pawl tak an ni ngei ang. Hetih lai hian an khel kan hmuh tam vak loh **ASANSOL** leh **BIRBHUM** pawh hi team tha pangngai tak an rawn ni leh ngei dawn a, ngaihthah mai chi an ni hauh lo ang. Hun engemaw laia team hlauhawm tak ni thin **JADAVPUR** area hi U Samu-a hoin an rawn comeback dawn a, tun hma an phak leh phak loh chu an khel danah kan la hmu dawn a ni. Team thar chan chang **NIH** leh **NIOH** te pawh hian team awmsate barakhaih ngei tumin an practice ngawrh hle a, a tikimtu mai nih an tum lo hle. Inkhel en a chakawm tawh khawp mai.

Ulbun

U Fela ka chhun a, tunlai chu ka discipline a chhe nek.

-**Xualtea Boytlung**

Ballygunge ho drama chang kha an thiam leh thiam loh chu ka hre lo a, mahse an nula ho kha chu an hmeltha ka ti khawp mai.

-**Zuliasa Hlychho**

Catch them young policy apply ve duh tan engtik lai pawhin biak theih ka ni e.

-**Muanpuia, SA Boys**

Thingpuite chu ka lum sial ve em....

-**Christina@Park Circus**

Beihruai chu pumpui lamin a hlawkpui deuh ber

-**Dinpuia@Kushtia**

Kolkata Chicks directory ka ni deuh tawp, nula number in duh duh min lo dil r'u.

-**Sawmtea, Secy**

Candy Crush khel nasa lutuk a, vai kawng kal pawh kan rem zut zut mai a lawm.

-**Robert, Inkhel thiam :**

Ka pu iangin ding ve deuh sek ila ni mai lawm....

-**Temami**

Natna khum atang pawh hian fatu vel chu ka la control hneh khawp mai.

-**PC.Puia**

BASKETBALL

1) **NIAR NIAR:** Anni hi nikuma champion team an ni a, players nei tha ber pawl an nih bakah player chhuak an awm lo a, an thiampuipa Mavala hoin an la khel ho thei vek dawn a ni. An nomawi kawl lai hi midang hnena hlanchhawn an tum loh hmeh hle.

2) **BLAKHT:** Xavier's College hi nikum runners up an ni a, Summer Sports a KMS Champion-na ah khan anni hian an thawhhlawk hle. Kuminah hian champion ngei an tum a, hetih lai hian an player pawimawh nikuma MVP Lalrempuia chuan team dangah a chhuahsan thut maithei niin thu kan dawng.

3) **SA BOYS:** Anni hi football lama hming lo chher tawh an ni a, basketball lamah pawh hian hnuhma neih len an tum khawp mai, team hmuhawm tak an ni ngei ang.

4) **ASANSOL:** Nikum lama an player-te an la ngai hlawm a, nikum lam aiin an fit thung dawn niin thu kan dawng a, team tawhkhiri tak an ni ngei ang.

5) **CHAWLHBUK:** Nikum lamah beiseiawm ber pawl niin an chesual a, kuminah chuan tihsual nawn an tum lo. An Captain leh team neitupa Rodinpuia pawh player thar zawngin a buai thei hle.